



15. februar 2019

UPA2019/58

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiuppara:

Immiaaqqat aalakoornartortaqanngitsut eqqunneqarsinnaaleqqullugit nioqqualersinnaaqquillugillu immiaaqqat imeruersatillu puui pillugit nalunaarummut (Immiaaqqat imeruersatillu kulysrimik akullit puui pillugit Namminersornerullutik Oqartussat nalunaarutaannut nr. 16, 28. maj 2002-imeersumut) ilaajunnaarseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Justus Hansen, Demokraatit)

Tunngavilersuut

Inatsit ullumikkut taamaakkallartillugu niuertarfiit immiaaqqanik aalakoornartortaqanngitsunik eqqussisinnaanngillat namminerlu isumaqarpunga tamanna uggorartoq. Immiaaqqat aalakoornartortaqanngitsut isumaga naapertorlugu immiaaqqanut naliginnaasunut taarsiullugit imerneqarsinnaalluarput imigassaq saperaanni imaluunniit nuannataarluni ataatsimuualaareernerup angerlamut biilertariaqassagaanni.

Ajornartorsiutaavorli, immiaaqqat imeruersatillu puui pillugit inatsit naapertorlugu immiaaqqat aalakoornartortaqanngitsut aalajangersimaqqissaartunik pooqartillugit aatsaat nioqquigeqqusaanerat. Tassa imaappoq inuutissarsiortut immiaaqqanik aalakoornartortaqanngitsunik qillertuusaniittunik tikisitsiinnarsinnaanngillat nioqqugalugillu. Taamaallaat imeruersatit equeersaatitallit kisimik taamatut nioqqugineqarsinnaapput koffeinimik akoqarmata.

2018-mi agustimi pisara pillugu Naalakkersuisut apeqquteqarfigaakka (Apeqqut normu 205-2018). Naalakkersuisut siulittaasuata apeqqutiga akillugu allappoq Naalakkersuisut aporfissaqartinngikkaat immiaaqqanik aalakoornartortaqanngitsunik eqqussinissaq nioqquteqarnissarlu immiaaqqat imeruersatillu puui pillugit nalunaarut atuuttoq unioqqutinneqanngippat.¹

Ajornartorsiutaavorli immiaaqqanik aalakoornartortaqanngitsunik eqqusseriarluni puunut akuerisaasunut maqtsisarnerup akilersinnaannginnera. Taamaattumik ajoraluartumik pisisartut immiaaqqanik aalakoornartortaqanngitsunik pisisinnaanngillat. Oqareernittullu isumaqarpunga tamanna uggorartuusoq.

¹ https://ina.gl/documents/para3637/2018/svar/205_2018_alkoholfri_oel_JUHA_svar.pdf



Taamaattumik siunnersutigaara immiaaqqat aalakoornartortaqanngitsut immiaaqqat imeruersaatillu puui pillugit nalunaarummut ilaatinneqassanngitsut, taamaasillunilu ajornarunnaarsillugu immiaaqqat aalakoornartortaqanngitsut qillertuusaniq puullit equnneqarsinnaanissaat nioqqutigineqarnissaallu.

Neriuppunga Naalakkersuisut siunnersutiga ilalerumaaraat taamatullu Inatsartuni partiit allat.

Aningaaorsiornikkut allaffissornikkullu pisortanut

Immiaaqqat imeruersaatillu puui pillugit nalunaarutip allanngortinnissaa aningaaasartuititaqassaaq, taakkuli imatorsuunavianngimmata naatsorsuutigineqarpoq Naalakkersuisoqarfiup missingersuutaasa iluanni suliarineqarsinnaassasoq.

Aningaaorsiornikkut allaffissornikkullu namminersorlutik inuutissarsiutunut kingunissai.

Inuutissarsiortut immiaaqqani aalakoornartortaqanngitsunik eqqussisinnaanngorunik nioqquteqarsinnaanngorunillu nioqqutaat amerliallassapput taamaattumik naatsorsuutigisariaqarpoq isertitaat amerliallakkumaartut.

Aningaaasatigut allaffissornikkullu innuttaasunut kingunissai.

Innuttaasut periarfissaqalissapput aalakoornartortaqanngitsunik immiaararsinissaminut.